

Í svarthvítri veröld  
þar sem ógnin sverfur að sálunum  
og sólin nær ekki í gegn.

Ég kveiki ljós  
sem að leiðir mig  
og gefur mér kjark.

En myrkrið er svartast  
í húsasundum höfuðs míns  
þar sem hugsanir hræða mig.

Ég bægi þeim frá  
og held þéttingsfast  
í ljósglætuna.

En þar sem rökkrið nær ekki  
er hjarta mitt vakandi  
og glóir eitt í grámanum.

Sjáðu stjörnurnar  
þær fjara út  
úr augsýn okkar.